

Laisia Nampaa 2AM-LUP1520 Aallannguqhimayuuq Atuqtakhanut Tukhiraut Kavamaliqinirnut Nainaaqhimayuuq – Inuinnaqtun

Una Lupin Uyaraqtarvik huqpaniittuq 285 kilamiitasiyungnaqhiyuq (km) hivuraa kivataanit Qurluqtuq, iluani Qitirimiut Avikturiani Nunavunmi nanminiriyangillu Lupin Uyaraqtarvit Timigutaa (LMI), tamaat nanminiriyauyuq, naitqiyauhimayuuq haffuminngat Mandalay Resources Kuapuriisan-kkunniit. Hamna nunap iluaniittuq hauvikhangit kulu uyaraqtarvik aulapkaihimagaluaqtuquvanngat 1982 mit uvanngat 2005 mut umikhimallakhunilu hulidjuhikhat ukunani Ubluqtuhinia 1998 mut unalu Qitiqqautiyuuq 2000 milu, uvanittauq ukunai Niqiliqivik 2003 mit unalu Qiqailruq 2004 milu. Una uyaraqtarvik aullaqtighimavlu auladjutingit uvani Qiqailruq 2004 mit uvanngat lidjiruvia 2005 mut. Uvani 2005 mi, Havagvia Munariyauvluni Ihuaghaqtavakhunilu hulinngittunil uyaraqtarviunngittuni talvanngaaniit.

Una Lupin Uyaraqtarvik tadjia laisqaqhimayuuq malikhugu Nunavut Imat Katimavianit Imaq Laisia Nampaa 2AM-LUP1520, titiraqtauhimavluunilu uvani Niqiliqivik 19, 2015 mi umiktukhauyurlu uvani Niqiliqivik 18, 2020 mi. Malruk aallannguqtighimayut ihumagivluunilik uvunga kiugialingnit qayangniagut munaqhiyakhaat malikhugu Laisia titirariqhimavluunil angiqtauhimavluunilu 2015 nguqtumi.

Ihumaliurviutavluunilu ukunanngat Mandalay Resources Kuapuriisan-kkunniit hamna Lupin Uyaraqtarvit Timigutaa tamainnut-nanminirivluunilik, inmikkut naitqiyauhimayut, umitquyauvluni Lupin Uyaraqtarvik pigiaquiviluunilik umikpiaqhimavluunil unalu halummaquyauvlunilik hulidjuhiiniit. LMI upalungaiyauhimayangit Kinguani Umiktukhaq unalu Halummaqtukhat Upalungaiyaut (FCRP) haffumanut Lupin Uyaraqtarvik ilaliutiyangit hivunikhangit hulidjuhikhangillu, ablurvikhat pigiaqatqangit, unalu kinguani hivuniriyumangangit umigvikhangit. Una Upalungaiyaut tadjia atuqhimavagaat munaqhiunimik maligautaanit unalu nalaumattiaqtumik uyaraqtarvik umigutaanit qauyiharningit ilaginahuagugit angiqhimayumik ilauyukhaitigut maliktakhangillu. Angiriqhimaninga, una FCRP himmauhilaatqangit atuqhimayangit ICRP.

Una hivunikhautiliqtangit hivunikhautikhaq uuminngaluuniit hivumuurutikhangit haffumani Upalungaiyaut utiqtukhauyuq havagvia unalu ihuiliutigiyaayuq nuna imaatut havangnaqtumik unalu, humiliqaak uukturnaqtunit, inmikkut-aturaanaqtumik avatiqaqatigiingniq taimaa ayurnanngittumik ukunanngat aanniarnaittumik avataita unalu inungnut hulidjuhingit. Una tamatkiumayangit umigutikhaq hivumuurutikhangit ikayuqtauhimayut ukunanngat pingahut umigutaat hivunikhautikhangit haffumani Havangnaqtumik Ayurnaittunit, Qayangnaqtumik Ayurnaittunit unalu Hivunikhautit Atuqtakhait unalu pitquhiriyangit hivunikhautit utiqtukhaq tamainnut ilaliutingit haffumani Havaaq.

Una FCRP upalungaiqhimayauyuq haffumani kangiqhuinarnigut tamaat uyaraqtarvit unalu iliraqhimayauyut ilaliutiyangit hamna Lupin Uyaraqtarvik Auladjutingit kinguani hivaqtauyukhaq, unguvaqtukhaq, uuminngaluuniit himmauhiqtaaqtaukhaq malikhimayangit ukunanngat kiugiaqatqangit turaaqhimayauyuq uvani Imaq Laisia unalu malikhugu hamna uqauhingit haffumani nunanut atuqhimainnaqtangit.

Ukunani tunihimayauyuq haffumani aallannguqtighimayauyuq atuqtakhaq tukhiutingit, Kinguani Umiktukhaq unalu Halummaqtukhat Upalungaiyaut ikayuqhimayakhaat titiqqangit, LMI ihumagiyaayuq iniqhimalugit tamaat umigutaanit haffumani Lupin Uyaraqtarvik tugliriyaa 2.5 ukiunganit, maliglugillu 5 ukiunganit iniqpiaqhimayumik-umiktukhaq munariyangit. Talvanngaaniit, una laisia uqauhinga haffumani 7 nit ukiuyungnaqhiyangit tukhiutigiyaayuq. Ilagiyangit, angiklikhimayauyuq imat atuqtakhait kangiqhiyauhimayuuq haffumani kinguani umigutaanit hulidjuhit kiuyauyuq haffumani angiklikhimayauyuq havaktut hanavikhangillu hulidjuhiit. Tamatkiumayangit imaq atuqtangit hapkuanguyuq 685 m³/ubluq tukhiutauhimayuuq (100 m³/ubluq nayurvanga atuqpagaat unalu 585 m³/ubluq hanavikhangit atuqtakhangit). Malikhugit upangnaqtumik umigutaanit, imaq kiuvikhangit ikivalliyukhaq uvanilu nalunaitkutingit haffumanngat LMI, una utiffaanaqtumik. tamatkiumayangit imaq atuqtakhait iluani atuqhimayauyut Laisia haffumani 5,000 m³/ukiungit tukhiutigiyangit.

Ilagiyangillu angiqhimayukhaq haffumani FCRP, hamna aallannguqtighimayut uvani imaq atuqtakhat unalu uqauhinga haffumani laisia, LMI kangiqhihimayauyuq taamna qimilruqtangit haffumani atuqhimayangit Laisia tukiliutingit turaaqhimayauyukhaq unalu tukiliutingit ilagiyauyuq auladjutaanit ilangani haffumani havaariyauyukhaq unguvaqtauyukhaq.

Hamna ilagiyauhimayuuq nalunaitkutaq, takulugu hamna kavamaliqiniq nainaaqhimayuuq ilagiyauhimayuuq iluani Kinguani Umiktukhaq unalu Halummaqtukhat Upalungaiyaut.